

皇明從信錄

皇明從信錄卷之七

東莞 陳 建輯

秀水沈國元訂

丁巳

洪武十年

正月 上謂中書省臣曰。官員聽選之在京者。宜早與銓注。即令赴任。聞久駐客邸者。日有所費。甚至假貸于人。費元之弊政。此亦一端。其當選官淹滯在京者。輒經歲月。費無幾矣。遂疏爲醫卜。使賢者表其所守。實朝廷所以待之者。非其道也。自今銓選之後。以品爲差。皆與道里費。仍令有司給車送之。著爲令。

臣初盡體臣之道。嚴賦吏之誅。蓋並行而不悖。故於候選因於道途。厚加餽贈。與養親之費。亦不悖於道。

可勝誅旋
致發矣

二月宋濂辭歸。瀕行，賜楮幣文綺，及御製文集，皇太子親
賜衣二襲。上諭曰：朕最慎于賞，嘉卿忠誠，故以賜卿。卿
今年幾何？濂曰：六十有八。上曰：藏此綺，俟三十二年後，
作百歲衣也。濂頓首謝。上復囑曰：大江漲不可行，宜循
內河至家。仍命使護行。既抵家，上表謝恩。後歲一來朝，曰：
上謂省臣曰：士民貴賤有等。趨事執役以奉上者，庶民之
事。若賢人君子，既貴其身，復役其家，與民庶無別。非勸士
待賢之道。自今任官有田土者，輸租外悉免役，著爲令。
三月上與羣臣論天與日月五星之行，翰林應奉傅藻典

聖祖精于
天文皆由
臆驗而得
非窮故聞

新黃麟考功監臣郭傳皆以蔡氏左旋之說爲對。上曰：天左旋，日月五星右旋，蓋二十八宿經也。附天體而不動，日月五星，緯乎天者也。朕自起兵以來，與善推步者，仰觀天象，二十有三年矣。嘗於天氣清爽之夜，指一宿爲主，太陰居是宿之西，相去丈許，盡一夜則太陰漸過而東矣。由此觀之，則是右旋。

四月鄧愈沐英等破番部川藏，覆其巢穴，窮追至崑崙山，斬首不可勝計，俘男女一萬口，馬五千，牛羊十三萬。命監察御史李鐸往，誠意招慰其家，取其觀象玩占天文諸書，先是其子璉遵父命收諸書藏石室中，伺隙開上進。

以人合天
以明率幽
一理貫微

及鐸至璉即悉取出送官從鐸赴闕言其父遺命止害
欲官之璉以未終制辭甫釋服即除考功監丞尋兼監察
御史復擢江西參政○始定天地合祀之典

先是郊祀一如周禮冬至祀天于圓丘夏至祀地于方
丘行之既久風雨不時天多變異上因覽華嶽縣
於表謂天地猶人父母為子之違致父母異處安得為
孝乃探古明堂遺制即圓丘之舊壇為崇宇名曰大祀
殿并列合祀六宗之神各築壇
以從享每歲正月擇日行禮

五月韓國公善長曹國公文忠總中書省都督府御史臺
同議軍國重事○誅戶部主事趙乾勅中書省臣曰營荆
斬等處水災朕寢食不安亟命趙乾往賑之豈意乾不念
民艱坐視遷延自去年十二月至今年五六月之交方施

在彼作何事

賑濟民飢死者多矣。夫民飢而上不卹其咎在上。吏受命不能宣上之意。視民死而不救。罪不勝誅。其斬之以戒不卹吾民者。○詔遣監察御史巡按州縣入辭。上諭之曰。近日山東王基不務正論。乃用財利之術以惑朕聽。今汝等出巡。事有當言者。須以實論列。勿事虛文。凡爲治以安民爲本。汝等當詢民疾苦。廉察風俗。申明教化。務得民情。惟專志以立功。勿要名以取譽。朕深居九重。所賴以宣布條章。申達民情者。皆在汝等。其慎之。○秋。南番澹巴國人貢賜以金幣。

按源巴在西南海中。景秀地廣。泉甘而水清。草木暢茂。高遠甚。不城瓦屋。王乘輿官跨馬。頗有威儀。國人

生極藝。綴續抱布男。女咸務常。
素市有交易。野無冠。稱樂上矣。

九月免浙江秋糧。以去年水災故也。○上謂侍臣曰。前代
庸君暗主。莫不以垂拱無爲籍口。縱恣荒寧。不親政事。冀
知治天下者。無逸然後可逸。朕即位有年。常以勤勵自勉。
待旦即臨朝。晡時而後還宮。夜卧不能安席。披衣而起。或
仰觀天象。見一星失次。即爲憂惕。或量度民事。有當速行
者。即次第筆記。待旦發遣。朕非不欲暫安。但祇順天命。不
敢故耳。朕言及此者。但恐羣臣以天下無事。使欲逸樂。朕
肱旣隋。元首叢脞。民何所賴。書曰。功崇惟志。業廣惟勤。爾
羣臣但能以此爲勉。朕無憂矣。○置通政使司。掌出納諸

司文書敷奏封駁之事以曾秉政爲通政使○宋濂來朝
越十四日見于端門上見大喜自是日侍上遊恩禮
備至

十月新建社稷壇成先是禮部尚書張籌奏天地社稷宗
廟崇報之禮一也書稱成湯禋天之明命以承上下神
祇社稷宗廟罔不祇肅後世列爲中祀失所以崇祀之意
至唐升爲上祀國初仍列中祀臨祭之日或具通天冠絳
紗袍或以皮弁行禮制未有定今旣考用唐制右社稷左
宗廟有事社稷則奉仁祖皇帝配其禮重矣宜申爲上
祀具冕服以祭上是之至是行奉安禮上見服乘轎

百官具祭服詣舊壇以遷主告○觀心亭成上臨幸召
宋濂語之曰人心易放操存爲難況有事於天地宗廟社
稷尤用祗惕是以作此亭卿爲朕記之傳示永久○改作

大內宮殿成

其制闕門曰午門翼以樓觀中三門東西爲左右掖門
午門內曰奉天門門之左右爲東西角門內正殿曰奉
天殿上御之以受朝賀殿之左右有門左曰中左門
右曰中右門兩廡之門左曰文樓右曰武樓奉天之後
曰華蓋殿華蓋之後曰謹身殿殿後則後宮之正門也
奉天門外兩廡之間有門左曰左順門右曰右順門左
順門之東爲東華門內有殿曰文華殿東宮視事之所
也右順門之西爲西華門內有殿曰武英殿上齋戒
時所居也制度皆如舊而
稍加增葺規模益闊壯矣

上諭李善長等曰人君聰明雖得于天性然物理必察識

如其人如
其人

而後知人情必諳練而後熟若臨事不熟驟然斷決恐未
盡善既行之後覺其非而欲改之妨事已多前者令皇太
子躬聽朝臣啓事練習國政恐聽覽之際處置或有未當
自今後政事啓于東宮者卿等二三大臣更爲參決可否
○置神宮監天地壇祠祭署及皇城門各設內使令丞正
副品級有差○衛國公鄧愈卒

自河州班師至壽春愈以疾卒計聞上哀憫遣封典
河王謚武順車駕臨奠親擇視葬地命配享太廟
仍肖像祀于功臣廟愈器量宏偉沉毅謙恭慎密稱大
敵而不懼有大功而不矜禮賢下士寬惠愛人所屬宣
德宣城徽嚴饒撫南昌襄陽入郡之民皆懷其德

封沐英爲西平侯食祿二千五百石子孫世襲○鄒師

事漢真征高麗被執不屈死之

真鳳陽人國初從舉義以忠勇被遇有功歷官都督至是征高麗被執而高麗王愛其驍勇欲降之不從王怒欲兵之真大罵曰夫虜爾害我我主必滅爾國爾不知吾大丈夫有赤心肯汝屈耶即抽刀剖心示死而死王大懼遣使入朝謝罪并歸真從行軍上上曰真忠義也危難乘意不屈忠節可嘉追封樂浪公諡忠襄表其勇曰班超羣將志邁雄師時真子瑛生甫數月即襁褓中封為西榮侯以報真功

四川松藩等處蠻寇為亂命御史大夫丁玉為平羌將軍帥師討平之置松江衛戍守

十一月合祀天地于奉天殿○皇孫允炆生

十二月復守謙靖江王徙雲南尋安置鳳陽

戊午 洪武十一年

正月上謂廷臣曰。古者治天下。必廣聰明以擴壅蔽。今布政司即古方伯之職。知府即古刺史之職。所以承流宣化。撫安吾民者也。然得人則治。否則。瘝官曠職。病吾民多矣。朕今令之來朝。使識朝廷治體。以警其玩愒之心。且以詢察言行。考其治績。以觀其能否。苟治効有成。即爲賢才。天下何憂不治。○進封湯和信國公。○改封吳王爲周王。○杭州護衛。○給朝參文武百官牙牌。懸帶出入。以防奸僞。○北平有警。命信國公湯和率列侯韓政郭興俞通源董彬等練兵臨清。以聽調遣。

二月戊申。祭大社大稷。前二日請奉先殿告仁祖淳皇帝。

配祭日陳設大社在東大稷在西俱北向。淳皇帝在東而向。○議減鹽價。

三月河間府知府楊冀安等考績入朝。上命吏部曰。各官來朝。宜課其殿最。第爲三等。以稱職而無過者爲上。賜坐而宴。有過而稱職者爲中。宴而不坐。有過而不稱職者爲下。不預宴序。立于朝。宴者出。然後退。庶使有司知所激勸。○禁奏事。關白中書省。○命太子正事。桂良彥爲晉王右傳。○上諭吏部曰。朝廷懸爵祿以待士。資格者爲常流。設非爲賢才。設今後庶官之有才能而居下位者。當不次用之。由是李文煥自西安府知府。費震自寶鈔提舉。俱

擢爲戶部侍郎其餘九十五人悉量林超擢郎中知府知州等官

四月以朱夢炎爲禮部尚書○命江陰侯吳良督造皇堂于陵所上以前所製皇陵碑記皆儒臣粉飾之文乃親製皇陵碑備述昔日艱難以示後世上徵時同里有劉繼祖者常助其不給且與善地葬皇考妣即今皇陵也及上得天下念劉欲報之而劉已亡矣追封爲義惠侯妻婁氏爲義惠侯夫人親撰誥文具道其事仍親撰祭文遣官祭之○元嗣君愛猷誠理達剌祖子脫古思帖木兒立

唐虞選武臣子請書國子監○今東宮文學士
春秋本末

六月遣使祭故元嗣君

八月詔免應天太平鎮江寧國廣德徽州六郡及長興
吉宜興江陰四縣今年秋糧○蘇松楊台海鹽○南番
亨國及百花國各遣使奉金葉表文來朝貢二國前代皆
未嘗通中國

按彭亨在東南海島中並山山傍多平原禽獸稀少
木繁茂沃土宜穀餘雜果其俗上下親狎無冠蓋男女
椎髻好誦佛經其海為鹽鹽椰為酒產片麻諸香花
物百花在海中依山為國國中有奇花嘉樹民俗饒富
尚釋教產紅龜龜倚玳瑁孔雀倒掛鳥胡椒時
國王刺丁刺者望沙亦遣入智亞壇來朝貢

九月上御奉天殿頒曆于諸王百官

十月甲子大祀殿成

十一月總兵官辰州衛指揮湯仲名討破五開叛蠻捷奏

至京○臨江侯陳德卒追封杞國公○以梅殷思祖為驍

馬都尉尚皇第二女寧國公主

十二月乙巳朔日食○皇太子妃常氏卒○封諸王柏為

湘王胡順妃生王明敏好學能文桂為豫王後改封代王

武庫善道家言多勇力善武藝植為衛王韓妃所生後改封遼

王女王于其州王祿王得延邊王塞練蘭士馬

己未 洪武十二年

正月合祀天地于南郊大祀殿自齋戒百官至將祭起坐
天宇澄霽升壇星緯昭煥祥飈慶雲光彩燁燁上心甚
悅禮成作大祀文并歌九章因勅中書省臣曰朕周旋祀
事十有一年見其儀大繁乃以義起更其儀式合祀社稷
既祀神乃歡洽今十二年春始合天地大祀而上下悅若
有饗荅于朕心爾中書下翰林令儒臣記其事以彰上帝
皇祇之歆格

論曰我太祖勤民育物敬共神明博考經文鑑正祀
典二丘始分而終合四廟先異而後同明堂肇于周經
我則郊焉而侑仁祖太公遺于漢祖我則廟焉而肅
宗人有其典之至存佛老之宮無可考矣寧缺謹嘗之
義蓋酌古通幽明殷乎不可以有加矣當其時李善
長宋濂唐同陶安崔亮牛諒張瑄朱升蔡原謨諸君子

皆能所則夷貊。取東華海、餘之品式以授祠官。鯁頂之
嘉之。未盡後古聖王之舊。而矯誣妖誕。奇災異。諸不
在。近真者。莫不峻制。而與防之。亦可謂仰贊。聖猷。一
洗汙俗矣。豈非渭夏之禍烈于九黎。裴常之功。顯于二
正。時與勢實然。要必。故咨三禮。丁四岳。候
而生于百年。亦為迂達而濶于事情矣。

西平侯沐英等討平西番等處亂寇。築城東籠山南。置洮
州衛。設官領兵守之。

二月。曹國公文忠督理隴西。西寧軍務。

三月。樂鳳韶為國子祭酒。尋致仕。○助教吳伯宗進講東
宮。首陳正心誠意之學。皇太子嘉納。尋改典籍。○以荊州
府知府董俊為兵部尚書。明州府知府余文昇為工部尚
書。○上聽朝之暇。延諸儒臣。賜坐便殿。講論治道。時國勢

聖祖大資
其於下
見聞一時
偶至或推
在太子之

學官李思迪馬懿緘默不言上惡之勅諭國子師範
賢者以學爲本推而行之有裨于國家無愧于所學俾功
名立于兩間斯誠爲賢也若懷詐自私上無助于君下無
益于世朕何賴焉如李思迪馬懿者朕以其學官日召同
游期在嘉言善行啓朕未明輔朕不足乃終日緘默旁有
講說者因而問及不過就他人之辭以對未嘗獨出一言
豈朕昏昧不足以聞耶抑朕之禮未至耶何訪之以道而
不相告也及遣侍東宮欲其發明古帝王之道以匡弼輔
贊而緘默如故無異事朕之時其懷詐甚矣昔孔子懷聖
賢之道恨不得用世以拯生民故歷聘列國至老不倦今

源本字無
一得以佛
附明主
之卷首以
世許誠復
何解

大制制

思迪等發身草野。一旦與人君同游殿庭之上。人君躬就
問之。而緘默如此。學孔孟者果如是乎。孔子入周廟。見金
人三緘其口。曰。此古慎言人也。蓋謂非法之言耳。若理道
之辭。果宜禁乎。且思迪等事朕如此。其肯盡心訓國子生
乎。朕諭爾等。自今爲師爲弟子者。一以孔孟爲法。以副朕
責望之意。慎毋如李思迪馬懿之爲也。○編春秋本末成。
先是。上以春秋本諸魯史。而列國之事。錯見間出。欲整
其終始。則艱于考索。乃命東宮文學傳藻等。纂錄分列國。
而類聚之。附以左氏傳。首先王之世。以尊正統。次魯公孫
年。以仍舊本。列國則先晉齊。而後楚燕。所以內中國而外

遠人東歸
無不保強
其為盛事
者聖祖
有見而然
却之辭說
保定之也
理然矣

莫狄也事之始終秩然有序

五月靖海侯吳禎卒追封海國公 上親臨奠葬禮

于功臣廟命都督僉事張赫代吳禎督遼東海運

閏五月勅遼東守將潘敬葉旺曰奏至知高麗龍州鄭白

等率男婦來降特未審將軍識其計否高麗僻居海隅其

俗尚詐况人情莫不安土重遷豈有舍桑梓而歸異鄉者

耶中國方寧正息兵養民之時爾與東夷接境慎勿妄生

小隙使彼得以藉口符至之日開諭來者令還以破彼奸

若我正而彼邪彼果不滅則師出有名矣其來降者切不可

留春秋有云毋納逋逃不然則邊患將由此而啓矣○

北平久不雨詔免其田租

六月沐英等班師至京上以諸將征西有功封藍玉爲永昌侯王弼定遠侯張龍鳳翔侯吳復安陸侯葉昇靖寧侯謝成永平侯張溫會寧侯曹興懷遠侯周武雄武侯金朝興宣德侯上又以都督仇成積有功劳封安慶侯並食祿二千石子孫世襲指揮使○命都督指揮征大寧

秋七月曹國公文忠領大都督府事○平羌將軍下玉等討蜀寇彭晉貴等平之

八月安置日本使僧于陝西

倭國即古倭奴國海中諸夷倭奴最大西南至滿洲北大山山脈主世以王爲姓羣臣亦世官地分五畿七道

吳次大有
卷之六
卷之六
卷之六

三是有附屬國百餘，拘邪韓最大，其國小者百里，大
不過五百里，元小者及于多止一二萬，皆倭種也。漢滅
朝鮮，通稱王者三十餘國，倭王最雄長者邪馬臺，即邪
牟維，歷漢魏晉宋隋，皆朝貢，隋謂華俗，唐咸亨初，惡倭
名，更為日本，其俗男上魁頭，斷髮，黥面，文身，婦人被髮，
屈紵，皆跣足，間用屨，其喜盜，輕生，好殺，天性然也。物產
金銀、琥珀、水晶、硃黃、水銀、銅、鉛、白珠、青玉、蘇木、胡椒、
絹、花布、螺蚶、漆器、扇、犀象、刀劍、鎧甲、馬、交布、華人養
童男、女，錦綺、絲綿、磁針。國朝洪武二年，冠山東並海
郡縣，及淮安三年，又冠山東，轉掠浙福，旁海郡是年遣
策者，府同知趙秩，賜璽書，諭其王良懷，王禮秩，具物遣
使，趙秩來長，稱臣入貢，使未至，又掠溫州，上又遣僧
祖闢，無通，閉諭之，王遣使同僧入貢，是年冠海鹽，漂
掠溫州，初令所編造海舟防倭，又冠福建，海上諸郡六
年，以於顯為總兵官，出海巡倭，倭寇登萊七年，威膠州，
是年遣僧來貢，無表文，却之，其臣亦遣僧貢馬、茶、布、刀、
扇，亦却之，令中書遣文責工，九年遣僧歸，用羊衣表
及方物謝罪，賜王及使文，納有差，已而上覽表，口良懷
不識，詔責之，十二年來貢，無表文，命安置之。

宋國公馮勝督建周王宮殿于開封府遣使齎勅諭之曰
中原民食所恃者二麥耳近聞爾令有司集民夫欲以九
月赴工正當播種之時而役之是奪其時也過此則天寒
地凍不得入土來年何以續食誠恐小民之怨咨也勅至
即放歸俟農隙之時赴工未晚也上御華蓋殿與侍臣
論治身之道曰人之害莫大於欲然惟禮可以制之先王
制禮所以防欲也禮廢則欲肆爲君而廢禮縱欲則事流
于民爲臣而廢禮縱欲則禍延于家故循理可以塞過肆
欲必至滅身

十月定致仕官居鄉禮

與本族序尊卑如家人禮其於外祖及妻家亦廢事
若筵宴則設別席不許坐于無官者之下如與異姓
仕官會則序尊卑同則序齒其與異姓無官者相見
不須答禮庶民以官禮謂見敢有凌侮者論如律

以儒士吳沆爲翰林院待制上與之論持身保業之道
曰人當無所不謹事雖微而必慮行雖小而必防不慮于
微終貽大患不防于小終虧大德常人且然況人君乎沆
對曰聖慮及此誠社稷永安之道○上御奉天門視朝畢
顧謂吳沆曰人主治天下進賢納諫二者真切要事也沆
對曰誠如聖諭但求之於古能行者亦鮮是以亂日常多
治日常少上曰使其真知賢者能興其國何有不進真
知諫者在于忠已何有不納沆對曰陛下此言誠國家興

治之要。

十二月開甜水渠。

西安城中水鹵不可飲李文忠奏請鑿渠引龍首渠水入城榮繞民舍始得其飲。

詔徵天下博學老成之士。先是上謂禮部曰爲國得賢不如薦賢朕自臨御以來十有二年思得賢士以熙庶績然博學老成之士匿德藏光甘于窮餓不肯輕出宜下有司悉心推訪禮送于朝朕將顯用之至是皆至京師時江西布政使沈立本遣人招故元吏部侍郎伯顏子中子中飲鴆死。

子中西域人通春秋五經解薦累官至江西行省都事陳友諒陷龍州子中募壯士復城不克圍道以餓死

愛國同寅
雖而遂至
名以俱喪
而身隨之

省子中出奇計收復建昌遂浮海獻捷元都授福建行
省郎中累遷至吏部侍郎出使廣東比至而廣已陷時
子中墜馬求死不得折一足於是變姓名浪跡江湖時
居進賢北山先是其妻子已為江西參政楊憲送京師
有平之者子中答曰吾身且不有矣暇顧妻子哉誓不
復仕嘗懷鵠自隨曰有強我者當以死答之郡縣聞而
義之不之強至是立本專使招之子中慨然曰吾今死
亦晚矣乃具牲酒祭其祖父師友作歌七章飲鵠而死

徽寧國府訓導陳廸為翰林編修○番禺知縣秦言廣東
鎮守永嘉侯朱亮祖不法數十事皆實上徵還以其功
臣不下吏但罷職令居京師未幾病卒仍以侯禮賜葬○
貶右丞相汪廣洋于海南道卒

廣洋與胡惟庸同在相位惟庸所為不法廣洋知而不
言上察其然勅以洗心補過廣洋內不自安久之占
城貢物使者既至廣洋不為引見上下書切責之廣
洋懼甚至是御史中丞涂節言誠意伯劉基為胡惟庸

忠公君子
果其然乎

天賜可以
保安聖
歸不然
殊其教中
矣利誠意
之先見徐
聖嗣之思
實無少

壽死廣洋宜知狀
上聞廣洋廣洋對無是事
上頗
聞其寬因責廣洋欺紿居海南州次太平復遣使勅之
廣洋得賜書懼
甚遂自縊死

訪求卜筮人

庚申 洪武十三年

正月丞相胡惟庸等謀逆內史雲奇發其事皆伏誅

胡惟庸等黨逆謀已定詔言所居非湯醴泉遂
上往觀
惟庸居第近西華門守門內史雲奇知其謀乘輿將西
出奇走御蹕道勸馬御言狀氣方執舌執不能達意
上怒其不敬左右提棒亂下奇垂蹙右臂將拆簪向指
賊臣第弗為痛癢上方悟登城瞭察則見被第內兵
甲伏屏帷間數匝上亟反遣兵圍其第罪人一就
縛并其黨御史大夫陳寧中丞余節等皆伏誅上召
雲奇死矣深悼之追封右少監賜葬鍾山命有司春秋
致祭仍給酒
掃戶六人

之無謂可
為三不朽
量平心邪
之人大推
不可一日
落其手

惟庸自歸意諒後總中書政事專生殺黜陟以爲
福內外諸司封事有病已者輒匿不聞四方奔轅
其間諸武臣多附之徐達嘗言于上惟庸忌之達有
關者福善惟庸陰誘爲已用冀以圖達乃爲福善所
害劉基亦言庸不可用知而恨之會基病以壽藥中
事在八年正月惟庸兄女妻善長從子孫相結擅
吉侯陸仲亨平涼侯費聚見庸專政往來益密庸令
管軍馬又與陳寧在省中閱天下軍馬籍今都督
取衛士劉遇賓及亡命魏文進等爲心膂太僕寺丞
存義善長之弟惟庸之婿父也以親故往來惟庸家
令存義以邪謀說善長事皆未發會惟庸子有馬馳
于市奔入輓轡中傷死惟庸殺輓轡者上怒命償其
死惟庸請以金帛給其家上不許余節乃上變告時
尚書請降中書省吏亦以惟庸陰事告上命羣臣更
訊惟庸辭窮不能隱遂論死又以余節本爲惟庸謀
主見事不成始上變告乃誅節併陳寧餘黨皆伏誅
胡惟庸辭連李善長陸仲亨羣臣請罪之上曰朕初起
兵時善長來謁所言多合吾意遂命掌書記贊計畫功成

太祖何異
于公

明聖

爵以上公以女與其子仲享年十七父母兄弟俱亡恐爲
亂兵所掠持一升麥藏伏草間朕見之呼曰來遂從朕長
育成就以功封侯此皆吾初起時股肱心腹吾不忍罪之
其勿問惟宋濂孫宋慎坐黨逆被刑籍其家械濂至京
上怒欲誅之皇后諫曰民間請一先生尚有始終不忘
待師之禮宋濂親教太子諸王豈宜若是忽况濂致仕在
家必不知情乞赦其死上意解濂遂得發茂州安置行
至夔州以疾卒年七十二

按濂學于聞人夢吉繼學于吳萊博極羣書名滿天下
文傳四夷而于佛老之言尤深研究所著有潛溪集
園集龍門子無相
應語等書傳于世

軍中書省罷丞相等官不設陞六部爲正二品衙門分理天下庶政改大都督府分設左右前後中五軍都督府。皇明祖訓云自古三公論道六卿分職並不曾設立丞相。自秦始皇置丞相不旋踵而亡漢唐宋因之雖有賢相然其間用者多有小人專權亂政。今我朝罷丞相設五府六部都察院通政司大理寺等衙門分理天下庶類彼此誦誦不致相壓事皆朝廷總之。所以穩重以後子孫做皇帝時並不許立丞相。臣下敢有奏請設立者文武羣臣卽時劾奏將犯人凌遲全家處死。

二月命戶部減蘇州松江嘉興湖州四府重稅糧額舊一

蘇州賦役
雖減而較
之池郡尤
為煩重民
多弃田逃
未以避徭
稅況生齒
日繁地方
苦于不給
米珠桂藥
即鹽炭酒
如飢饉倘
有天荒
不知其所
終矣

畝科七斗五升，至四斗四升者，減十之二，四斗三升至三斗六升者，俱止徵三斗五升，以下仍舊。

吳自昔稱殷富，元末張士誠據以為資，與王師相抗者十餘年，上遺其城久不下，惡民之附寇，且受罔于富室而更為死守，因令取諸家族租佃簿曆付有司，俾如其數為定稅，故蘇賦特重，而松嘉湖次之，蓋以懲一時也。至是乃命減其額。

太師韓國公李善長罷。○詔舉聰明正直孝弟力田賢良方正文學術數之士。○遣應天府官祀歷代忠臣。漢將蔣子文，晉卞壺，南唐劉仁贍，宋曹彬，元福壽，凡五廟。○故元國公火脫赤，知院愛足屯，衆和林，為邊患。上命沐英總陝西兵討之，由亦集乃路渡黃河，歷賀蘭山，涉流沙，至其

境去其營五十里、英下令分軍爲四、一襲其背、二掩其左、右、英率驍騎當其前、夜銜枚以進、合而圍之、火脫赤等就縛、獲其全部以歸。○以嘉興府知府薛祥爲工部尚書。○諭太子諸王持守之道。

三月兩浙鹽運使呂本言、煮海爲鹽始于管仲、晏嬰繼之、西漢專利禁私鬻、東漢弛禁聽入稅、唐劉晏設轉運法而利益興、宋仁宗朝給亭戶官而法愈密、元承宋制歲給工本置轉運司、各場置令丞管勾、掌鹽出納、所給工本有多寡、煎鹽有難易、國初委官稽考、仍依舊額輸官、以四百斤爲一引、官給工本米一石、以米價低昂爲準、兼支錢鈔以

清聖法之
本計

惟聖人不
自誇其過

資。竈。民。然。其。間。有。丁。產。多。而。額。鹽。少。者。有。丁。產。少。而。額。鹽。多。者。未。經。覈。實。今。與。各。道。分。司。即。鹽。場。所。屬。地。方。驗。其。丁。產。多。寡。地。利。有。無。官。田。草。場。除。額。免。科。薪。鹵。得。宜。約。量。增。額。分。為。等。則。逐。一。詳。定。均。平。實。為。民。便。從。之。○。是。月。燕。王。之。國。北。平。以。葛。誠。為。燕。府。長。史。

四。月。賜。翰。林。院。編。修。張。美。和。應。奉。陳。溥。致。仕。各。御。製。詩。文。賜。之。○。命。羣。臣。各。舉。所。知。以。備。任。用。

五。月。甲。午。雷。震。謹。身。殿。大。赦。詔。曰。朕。以。匪。德。託。于。萬。姓。之。上。奉。天。勤。民。于。茲。十。有。三。年。矣。不。期。宰。輔。失。職。肆。奸。擅。權。使。賢。愚。陷。于。不。義。朕。思。創。業。之。艱。難。念。守。城。之。不。易。首。諫。

故天亦不
吝其德之
廣

奸惡鋤根剪蔓。爰及餘黨。然刑戮之際。不無過焉。甚非上
帝好生之德。乃于是月初四日申時雷震。護身殿朕甚懼
焉。於是赦天下罪者。除十惡不赦外。其餘已未發覺結正
罪無大小。咸赦除之。○免天下田租。○御史大夫安然罷
韓國公李善長總臺事。○罷御史臺。

六月詔受朝于正殿。○上謂侍臣曰。曩者奸臣聚斂稅及
天下纖悉之物。朕甚恥焉。自今如軍民嫁娶喪祭之物。舟
車絲布之類。皆勿稅。爾戶部榜示天下。使其周知。○以蘇
恭讓爲漢陽知府。

恭讓爲治簡而明。嚴而不苛。漢陽密邇省城。凡徭役科
徵。皆于他郡。恭讓懇請上官。簡省民。務以安先是有趙

臣戒錄

其事天之貴

廷蘭者，知漢陽縣，愛民如恭讓。胡廷嘗遣使下縣，取民氏散卒，他縣率多以民丁應數，規免已責。廷蘭獨為民辯，民得不擾。漢陽之民言郡守則稱廷蘭云。

時胡惟庸事敗，上乃命翰林儒臣纂錄歷代諸侯王宗

戚權倖之屬，悖逆不道者，凡二百十二人，備其行事以類

書之，賜名臣戒錄，頒布羣臣，俾知所警。○震奉天殿詔

停齊潭二王府工。時江陰侯吳良董建齊王府宮殿于青

州，豫章侯胡美董建潭王府宮殿于長沙，諭之曰：「昨者

上天垂戒，朕思治理恤民為先，其王府一切役作宜皆停

罷。

按三代而降，人君遇災而懼，克謹天戒，未有如我太祖者。

置諫院官唐鐸爲諫議大夫

何等光明
何等謹愼
品行至此
古人所罕

七月罷秘書監凡內府書悉翰林院典籍掌之○上以古
人父母旣沒生日當倍悲痛即位以來常不受賀至是善
長等屢請許之其在外諸司五品以上者自明年始聽其
表賀復京官家○驍騎指揮郭德成入禁內上以黃金
二錠置其袖曰第歸勿宣德成敬諾比出宮門納韉中佯
醉脫韉露金闌人以聞上曰我賜也或尤之德成曰九
閣嚴密藏金而出非竊耶且吾妹侍宮闈吾出入無間安
知上不以此相試耶衆乃服

九月置四輔官兼太子賓客位列公侯都督之次秩正三

論之思義
析職爲難

品告于太廟必欲德令天人均調四時以臻至治以徵
至諸儒王本李祐襲攷爲春官杜政趙民望吳淵爲夏官
惟秋冬官未得其人以本等攝之每賜坐講論治道且令
圖其像各賜衣三襲又有待漏院記之賜旣而王本犯極
刑召前御史安然代之然以憂卒餘皆坐罪黜此職遂廢
○詔戒守令曰朕君主華夷十有三年立綱陳紀所以安
民曩因奸臣弄權恣行不法內外官貪賦蠹政以干邦憲
邇來有司皆出編氓深知稼穡艱難民生疾苦是用授以
職任相與圖治當竭誠報效無蹈前非其有舊任未代者
若乃肆意妄行則國有常憲

十一月以儒士宋訥為國子學助教

十二月遣使詔諭日本國王不得縱民侵擾○詔研家

環薛顯等赴北平督兵屯田兼往遼東訓練士卒○是年

瓜哇國王八達那巴那務遣阿烈彝列時奉金葉表朝貢

道還

按瓜哇即古閩婆國又名蒲家館元稱瓜哇其國分東
西二王所屬有蘇吉丹打板打網底忽諸國國王宮磚
墻牆高餘三丈方三十餘里屋高四丈地覆板紫藤花
藤脚跌而坐民居茅茨磚庫坐卧于山王蓬頭頂金葉
冠臂戴銀絲腕腰束錦綺佩短刀跪足跨象或乘牛民
男蓬頭女椎結上衣下悅男必腰刀刀極精巧刑無鞭
朴罪不問輕重藤繫刀殺之市用中國古錢衡量倍于
中國人有名無姓尚氣好鬪顏色黝黑孫頭赤脚坐卧
無行溺飲食無匙筯咬蛇蟻虫蛆與犬同寢食不為積
也婦男遺女家後五日迎婦金鼓刀扇前後其婦婦保

被髮跣足榮歲絲帽戴被金珠絲飾寶梳衣有水莽火
斧二并惟死者所欲產金珠銀犀角象牙玳瑁青鹽
椰、椒、香、蘇、木、栴、榔、木、吉、貝、倒、掛、烏、絲、鳩、絲、鳩、紅、絲、白、鸚
鵡、白、鹿、白、猿、猴、洪武三年奉表入貢方物及黑奴三百
人納元所授宣敕已而我使至三佛齊國瓜哇要面覲
之至是來貢造其使還詔諭責王遂絕其使至永樂間
復通

中國

辛酉

洪武十四年

正月詔求賢○命魏國公徐達率諸公侯湯和傅友德耿
炳文沐英等將兵出塞討乃顏不花至北黃河虜騎驍
友德等選輕騎夜襲灰山克之擒其平章別里哥和魯
使文通獲其部落人畜甚衆沐英領兵出吉北口
面克嵩州高州詮罕諸部通驢駒河獲知院李宣并其部

衆而還。○上諭吏部曰：樹黨非其土，財不養德，非其財。則不任任官之務，當取方正之士。邪佞者去之。部臣曰：邪正爲難辨。上曰：正人所爲治官事，則不私其家，當公。則不私其親，邪人反是。此亦可辨。○論禮部臣曰：人君操賞罰之柄以御天下，必枉至公，無善而賞，是謂私愛；無惡而罰，是謂私惡。賞一君子而人皆喜，罰一小人而人皆懼，乃爲至當。朕于賞罰未嘗敢輕。若一時處分或有未當，卿等宜明白執論。寧使賞厚于罰，但不可濫及。使小人僥倖耳。○近臣有言：國家當理財以紓國用者。上曰：天地生財以養民，故爲君者當以養民爲務。夫節浮費，薄稅歛，循

以散為樂
仁主之言

編黃冊

至公至均
之法

恐損人况可重為微歛乎。近臣復言自天子至于庶人未
有不儲財而能為國家者。上曰人君儲財與庶人不同。
庶人為一家計則積財於一家人君為天下主當散財于
天下豈可塞民之養而陰奪其利乎。昔漢武帝用桑弘羊
孔瑾之徒剝民取利海內苦之宋神宗用王安石理財小
人競進天下騷然此可為戒。孔子曰百姓不足君就與是
此言何謂也。○編賦役黃冊

其則以一百一十戶為里推丁最多者十人為里長
百戶分為十甲歲役里長一人管轄一里之事城內民
坊近城曰局鄉都曰里十年一選每里編為一冊
總為一冊無寡孤獨不任役者則帶管于一百一十戶
之外而列于黃籍各存一本十年攢造一次送為定冊
政司及府州縣各存一本

不特辨矣

壬月以鄭浚為福建布政司參議

浚金華蒲江人鄭綺八世孫世以孝義聞時初遷南
賊四方有仇怨告討者率指為胡黨坐重獄及是移所
鄭氏交通惟庸者浚兄弟六人吏捕之急諸兄弟欲行
浚曰弟在其忍使諸兄罹刑辟獨請吏請行仲兄濂先
有事京師弟至迎謂曰吾家長當任罪弟無與焉浚曰
兄老吾往辨之萬一不直弟當服辜二人爭入獄上
聞之俱召至廷勞勉之謂近臣曰有人如此而肯從
人為非耶即宥之詔賜酒食權為參議賜冠帶襲身

三月大赦○詔免應天太平鎮江寧國廣德五郡秋糧

莊誦大誥謂五府京師羽翼之郡率基先勞之民天下
既平數免征稅至是以捐免焉直至洪武十八年並免
征夏稅秋糧嗚呼聖祖所以優卹五郡
之民者恩至渥矣民之愛戴當何如耶

頒五經四書於北方學校上謂廷臣曰夫道之不明繇

教之不行也夫五經載聖人之道者也譬之菽粟布帛家

不可無人。非菽粟布帛。則無以爲衣食。非五經四書。則無由知道理。北方自喪亂以來。經籍殘缺。學者雖有美質而無講明。何由知道。今以五經頒賜之。使其講習。夫君子知學。則道興。小人知學。則俗美。他日收效。亦未必不本於此也。○始定翰林院官制。○置東宮左右春坊司直郎各一員。秩正六品。

四月命國子生讀劉向說苑及律令。

五月河南五溪蠻作亂。議出師討之。江夏侯周德興請行。時德興年老。上未之許。德興請益力。且彰其夙錄狀。上壯而遣之。賜以手書曰。古之將臣。忠於爲國者。盡智勇。

勛力之所能及。禦災捍禍。終其身而後止。若趙充國。臨
西羌。馬援。請討交趾。朕嘗嘆美。謂古有其人。而今不可得。
乃者五溪蠻叛。阻遏王化。貽禍良民。朕方擇將。命師爾德。
興奮然請行。朕憫興年老。不忍使卿。卿乃固請。爰命爲大
將軍。往靖南服。嗚呼。忠勤不息。卿之志見矣。禦侮安民。尤
在斯行。功成師旋。當有以報卿也。七月。師至五溪。蠻見兵
威甚盛。悉散走。不敢復出。

六月。海鹽捍海塘成。○安南王陳煒遣使奉表貢方物。時
思明府來言。安南攻其永平等寨。安南亦言思明府攻其
脫峒諸處。上以其詐。命還其貢。以書詰責陳煒。復勅廣

西布政司自今安南入貢並勿納

按安南唐虞時南交也秦為象郡漢為南越所據武帝
平南越置交趾九真日南三郡宋梁時始土豪曲承美
者據之已而并干劉隱末幾管内大亂衆推豪酋丁帥
為州師部子連繼立宋既平嶺表連遂內附黎桓篡丁
氏李公蘊又篡黎氏陳日煚又篡李氏宋以遠夷故置
不問相繼皆封為交趾郡王元朝兼有華夷至憲宗遣
將破其國而日煚竄居海島弱不能支始歸附元封其
子兆昂為安南國王兆昂死子日煚自立元發兵破之
日煚卒子日煚遣使朝貢元本天下大亂安南不至明
興二年復來朝貢仍封為安南國王賜號經塗金銀印
日煚卒弟日煚立日煚卒子日煚嗣五年陳叔明遣人
朝貢却之明年又遣人納貢謝罪請封當是時煚嗣王
叔明者煚兄也專國政至是煚遣使來貢上怒其強
悍詔責之其國東起欽州西歷江左北至臨安元紅
龍州其孔道悉解其要害也由臨安經蒙自河蓮花
至其東都四五日其俗夷獠雜居不知禮義獠悍喜
鬪不解耕種推髻剪髮好浴善水平居不冠惟交愛
偶儻好謀驍衛人淳芳好學其山川佛跡勾漏海濱

江為大產金珠珊瑚琥珀諸香蘇合油胡椒羊脂犀
象兒白鹿猩猩佛佛白雉翡翠蛇蛇蟻子鹽麝香
烏木蘇木境內有越王城天使館浪泊柱銅鼓

七月日本國王良懷遣僧如瑤等貢方物上却其貢仍
命以書責之曰大明禮部尚書致意日本國王王居滄溟
之中不奉上帝之命不守已分但知環海為險限山為固
肆侮鄰邦縱民為盜上帝將假手於人禍有日矣吾奉至
尊之命移文與王王若不審其微并觀蠡測自以為大無
乃構隙之源乎王之國始號曰倭後惡其名遂改日本自
漢魏晉宋梁隋唐宋之朝皆遣使奉表貢方物當時帝王
或授以職或爵以王由歸慕意誠故復禮厚也若叛服不

常構隙中國則必受禍。王其審之。

八月時四川水盡源通塔平散毛諸洞蠻皆作亂。茶毒郡縣。上議征之。乃祭太歲諸神于龍江曰。上帝好生。凡有國者必欽承而致之。則民安物阜。邇年以來。西南諸夷。歲爲邊民患。斯患也。稱自堯舜以至今。化弗循教。征弗畏威。蓋恃崇山之固險。倚林木之深叢。跳梁出沒。虐良民而傷生。今命江夏侯周德興。充征南將軍。安慶侯仇成。充副將軍。征取容美等洞。以及散毛。其遣將發兵。必欲摧堅撫順。以清西南。時德興與方搜捕五溪。聞是命。即偕仇成等移兵進討諸洞。皆平之。德興還京。上勅賜慰勞。賜田。

唐○時天下大定邊境熾寧四夷百蠻莫不稱臣奉職
惟雲南恃險遠殺我信使納我通逃九月朔命潁川侯傅
友德為征南將軍永昌侯藍玉西平侯沐英為征南副將
軍率師三十萬往討之列侯吳復金朝興仇成張龍王弼
都督張銓等皆從征上諭之曰雲南僻在遐方行師之
際當知其山川險易以窺進取朕嘗覽輿圖咨詢于衆得
其扼塞取之之計當自永寧先遣驍將別率一軍以向烏
撒大軍繼自辰沅以入普定分據要害乃進兵曲靖雲南
之喉嚨彼必併力於此以抗我師審察形勢出奇制勝正
在於此既下曲靖三將軍以一人提兵向烏撒應永寧之

聖祖神武
天定諸將
臣等咸思
無不奉命
將首領諸
將進其威
十矣

辨刑

此論最是

師大軍直擣雲南。彼此牽制。彼疲於奔命。破之必矣。雲南既克。宜分兵徑趨大理。先聲已振。勢將瓦解。其餘部落。可遣人招諭。不必苦煩也。師行。上出餞于龍江。旌旗蔽江而上。師至湖廣。友德分遣都督胡海。郭英。陳桓等。率兵五萬。由四川永寧。趨烏撒。友德等率大軍。由辰沅。趨貴州。十月。命法司論囚擬律。奏聞。從翰林院給事中。及春坊正字司直郎會議。平允。然後覆奏論決。○給事中鄭伯同言。國初之制。凡啓事東宮。惟東宮官屬稱臣。朝臣則否。蓋慕無二上之意。今一體稱臣。於禮未安。翰林院編修吳沉等曰。東宮國之大本。所以繼聖體而承天位者也。臣子尊嚴。

志禮何稱有美請稱臣如漢儀之

十一月。出召吏兵二部論之曰。三代學者無所不備。文武兼備。後世尤流判。士習分。服達被者不關武畧。被服胄者不通經術。三代而下。若諸葛孔明。羊祜。杜預。李靖輩。文武兼資。難槩以一律。夫木直者可以中繩。曲者可以束矩。人有學問。則亦何事不可爲也。今武臣子弟。朕嘗命之講學。其間豈無聰明賢達。有志于學者。若槩視爲武人。不用。則失之矣。卿等其審擇用之。○友德進攻普定。擒土酋安瓚。羅鬼。苗蠻。訖佬。聞風迎降。○時閩廣多盜。命南雄侯趙庸率師討之。○衢處溫三麻山寇吳達。三葉丁香等。連

結作亂命延安侯唐勝宗率兵討擒之并誅平福安縣亂
寇八千人○江陰侯吳良卒上震悼輟朝親爲文祭之
追封江國公肖像祀于功臣廟

十二月傳友德等兵至普安攻下之遂進取曲靖故元梁

王把匝刺瓦爾密遣其僞司徒平章達里麻將精兵十餘

聖祖所料

萬屯曲靖以拒我師沐英云彼謂我師疲于深入未有虞

心及其無虞心乃可破也於是倍道進師將至白石江忽

大路四塞衝霧及江而止頃之霧霽則兩軍相望達里麻

見之大驚以爲神兵飛至倉皇失措我師作欲濟勢達里

麻擁兵陣南岸友德用沐英謀分遣一軍泝流潛渡出其

後

陣後吹銅角樹旗幟，疑兵山谷間。達里麻益驍急，
後軍以禦之。友德等趣師濟江，以猛而善泅者先之。既濟，
整列進戰。矢石砲銃齊發，呼聲震天地。戰數合，復縱騎，
擣其中堅。敵衆大敗，生擒達里麻，死者不可勝計。俘衆二
萬，友德悉縱兵各歸本業。夷人益喜慰，軍聲大振。友德自
率衆數萬，擊烏撒，分遣沐英等率師趨雲南。梁王聞達里
麻敗，棄城走滇海島中。先縊其妃，自飲藥不死，投水死之。
父老爭出金馬山焚香拜迎王師。英入城，秋毫無犯，收梁
王金印，并官府符信圖籍，撫安其民。寔是月二十四日也。
自出師至是，僅百日。雲南平。友德亦自曲靖率兵循格孤

山而北以應永寧之兵遂搗烏撒諸蠻元右丞寔卜開胡
海等兵進自永寧乃聚兵赤河水以拒之既而海等造木
筏夜半濟河進師而友德亦至勢合威振寔卜遁去友德
令諸將士築城版鋪方具蠻寇復合兵來戰友德屯兵山
岡持重以待之諸將欲戰友德故弗許士卒無不奮勇思
致死力友德度其可用下令曰我軍深入有進無退彼既
遁而復合心必不一併力與戰破之必矣若使彼據險自
固未易克也有芒部土酋率衆來援寔卜合勢迎戰我衆
鼓噪趨之戰十餘合其酋長多中鰲墜馬死蠻衆遂潰斬
首三千餘級寔卜率餘衆遁遂城烏撒得七星關以還

九蒸成

華夷語

創子重

節夷克河渡河於是東則為蒙茫部諸蠻震懼皆重其
附○是年封皇子權為寧王國于大寧

壬戌 洪武十五年

正月命儒臣重制九太侑食樂章一奏炎精開運二奏
風三奏天眷皇明四奏天道傳五奏振皇綱六奏金陵北

奏長楊八奏芳醴九奏駕六龍○編類華夷譯語成

前元素無文字但借高昌書製蒙古字行天下命侍講
大原澤等編類華夷譯語凡天文地理人事物類服食
器甲靡不具載復取元秘史參攷細切其字以備
音既成命刊行之自是使臣往朔漠者皆通其情

命天下朝覲官各舉所知一人○汝南侯梅思祖掌雲南
布政司事張統為左叅政○沐英等率兵掠徵江臨安沅

西平涼州
太祖兵法

江尋甸楚雄洱海次第皆下二月進兵攻大理城倚點蒼
山西臨洱河爲固南詔皮羅閣所築龍頭龍足上下三關
險要土酋段世聞王師且至聚衆五萬扼下關英自將攻
之半不可破乃令王弼以兵由洱水東趨上關英兵綴下
關爲犄角勢別遣胡海將一軍夜從間道渡河繞出點蒼
山後攀木緣崖而上立我旗幟遂明我軍踴躍歡呼賊衆
驚亂斬關而入海率山上軍下攻之賊腹背受敵遂斬拔
其城擒段世遂分兵取鶴慶平麗江破石門關下金齒由
是車里及摩些和泥等部相率歸附又畧建昌元平章丹
脣帖木兒降雲南悉平○論雲南諸夷詔曰曩者元章丹

綱餘縱橫朕提師旅與之並驅十有三年然機變未窮

征五年而天下定萬姓寧建號紀元又十五年矣○後○矣華夏

叛罔敢不服惟爾烏撒烏蒙東川芒部建昌諸夷抗命

庭而雲南梁王尤肆陸梁誘我通逃授我疆場用是命

南將軍傅友德左副將軍藍玉右副將軍沐英統三十萬

衆問爾西南諸夷之罪今得捷報雲南部落俱已降附故

特遣使齎詔諭爾西南諸夷自今有不遵教化者即加兵

討之爾等其洗心滌慮效順中國朕當一視同仁豈有間

乎○改國子學爲國子監○左春坊正字魏德壽舉文學

汪叔瑜等詔有司各以楮幣聘之○前太子正字晉府長

史桂彥良入朝獻萬世太平治要策十二事上嘉納之

○詔免直隸浙江及江西河南山東等處今年稅糧

臣建恭親聖祖未即位之先已有免民租稅之令矣自即位至此丁五年而前稅之詔凡十降下自漢文帝而降未有受民如此

趙庸討福建南靖盜及廣東桂鄉海陽龍川河源歸善及東莞諸寇盜皆平之

閏二月遣使詣雲南賜各土官冠帶給以誥勅使任本州

知州等官○征南將軍傅友德等遣人奏事初上諭友

德等以雲南既平留江西浙江湖廣河南四都司兵守處

控制要害考元時所常留兵數并計歲支稅糧徭役之法

漢書
卷九十八
食貨志第八
下
北周

唐。凡。事。之。便。宜。以。聞。至。是。左。德。奏。自。元。世。祖。至。泰。和。之。時。
年。屢。經。兵。燹。國。籍。不。存。兵。數。無。從。稽。考。但。當。以。今。之。要。兵。
量。宜。設。衛。以。守。其。稅。則。元。司。徒。平。遠。里。麻。等。嘗。言。元。末。土。
田。多。爲。僧。道。及。豪。宦。隱。占。今。準。元。舊。則。於。歲。用。有。所。不。起。
已。督。布。政。覆。實。雲。南。臨。安。楚。雄。曲。靖。普。安。普。定。烏。撒。等。衛。
及。霑。益。盤。江。等。千。戶。所。見。儲。糧。數。一。十。八。萬。二。千。有。奇。以。
給。軍。食。恐。有。不。足。宜。以。今。年。府。州。縣。所。徵。并。故。官。寺。院。入。
官。田。及。土。官。供。輸。鹽。商。中。納。戍。兵。屯。田。之。入。以。給。之。上。
可。其。奏。

三。月。南。雄。侯。趙。庸。籍。蛋。戶。爲。水。軍。○。置。錦。衣。衛。及。鎮。撫。司。

先是置儀鑒司。至是改爲衛。所隸有大漢將軍力士、技尉人等。專掌直駕、侍衛、巡捕等事。若有重囚，下本衛鎮撫司推鞠。

按本衛鎮撫司，後以非法凌虐，將本衛刑具燒毀。本衛官皆得罪，以所繫囚送刑部。洪武二十年，復申明刑例之禁，凡罪囚但送法司，臣謂既置刑部三法司，又設鎮撫司推鞠，多此一司矣。只宜依洪武晚年定制，爲是且武夫寵暴，其於治爲尤非所宜。

四月，烏撒及東川芒部諸蠻復叛。上勅諭傅友德曰：諸蠻伺官軍散處，大勢不合，故有此變。今宜屯聚大軍，蒞陰諸郡，蠻寇戮其酋長，使之畏威，方可屯兵守禦。○七月，詔至友德乃移檄沐英會兵進討之。大敗烏撒諸蠻之衆，斬

首三萬餘級、餘黨惴惴、相率來降、蠻地悉平、乃以烏撒烏蒙、芒部三府地近四川、秦隸四川布政司。○廉州府建檢王德亨上言、家本階州、界于西戎、有水銀坑冶、及青綠紫泥、願得兵取其地以歸于朝。上謂戶部曰、珍奇之產、中

國豈無、朕悉閉絕之、恐此途一開、小人規利、勞民傷財、爲

害甚大、况控制邊境、貴于安靜、苟用兵爭利、擾攘不休、雖

悔無及、此人但知趨利、不知釀害、豈可聽也。○詔天下通

祀孔子、賜學糧、增師生廩膳。○以儒士吳願爲國子監祭

酒。○詔有司旌表遼東高希鳳家爲五節婦之門、裴鉄家

爲貞節之門。

五月皇長孫雄英卒。○國學旣成，朕將釋菜，令諸儒議禮。議者曰：孔子雖聖人，臣也，禮宜一奠再拜。朕以爲聖如孔子，豈可以職位論哉？昔周太祖如孔子祠，將拜，左右曰：陪臣，不宜拜。周太祖曰：百世帝王之師，敢不拜乎？遂再拜。朕深嘉其不惑于左右之言。今朕君天下，敬禮百神，先師之禮，宜特加尊崇。劉仲質乃與儒臣定議其儀，從之。○上幸國子監，請先師孔子，行釋菜禮成，退御講筵，祭酒吳願等以次講畢。上諭願等爲人師表，正當以孔子之道爲教，使諸生知所趨向。復命取尚書大禹謨、洪範，親爲講說。反後，開諭羣臣聞者莫不悚悅，遂賜宴，竟日而還。○廣平府

鑒加嚴盛
而言者不
止利之所
在即身有
所不顧耶

聖祖之心
與事相為

吏王允道言磁州臨水鎮地產鐵元嘗於此置鐵冶都提
舉司總轄沙窩等八冶爐丁萬五千戶歲收鐵百餘萬斤
請如舊置鐵冶鐵上口今各鑄冶數尚多軍需不乏而
民之生業已定若復設此必重擾民是又欲舉萬千家
千鐵冶之中也杖之流海外○士卒饋運渡海有溺死者
上聞之命羣臣議屯田之法論之曰昔遼左之地在元為
富庶至朕即位之二年元臣來歸有勸復立遼陽行省者
朕以其地早寒土曠人稀不欲建置勞民但立衛以兵戍
之其糧餉歲輸海上每聞一夫航海家人懷訣別之意然
事非獲已愛在朕心必至期復命士卒無虞心方釋然近

若如此

間有溺死者。朕終夕不寐。爾等其議屯田之法。以圖長久之利。

六月。置大渡河守禦千戶所。征南將軍傅友德調從征千戶吳中領兵千人守之。復造舟以渡往來之人。

七月。開濟爲試。刑部尚書

濟洛陽人。元季嘗爲察罕帖木兒掌書記。入國朝爲河南府訓導。擢國子助教。以病免。十四年。同補官安然薦其有治才。以母憂未終。至是始徵入覲。故超擢之。

上一日錄囚畢。令御史袁凱送東宮覆審。遞減之。凱還復

命。上問朕與東宮孰是。凱頓首曰。陛下法之正。東宮心之慈。上大喜。悉從之。○管陽侯楊璟卒。追封芮國公。○

又德見於
禮之大

宣德侯金朝興南征卒。追封沂國公。○新泰侯康鐸南征卒于軍。○旌表真定孝婦劉氏。

按劉氏韓太初妻。太初故元時為知印。洪武七年。例遷和州。孀寡以行。劉氏事姑。寤氏甚謹。姑在道。遇疾。劉氏刺臂血和湯以進。姑疾愈。比至和州。太初卒。劉氏種蔬以養姑。又值姑患風疾。不能起。劉氏號呼神明。割股和粥以進。姑復甦。越月而卒。劉氏殯之舍側園中。欲還合葬于舅墓。凡五年。不能歸。事聞。上遣中使賜劉氏衣錢。官為送其姑喪歸葬。旌其門。復其徭役。

以秀才曾泰為戶部尚書。

八月。命安陸侯吳復充總兵官。平涼侯費聚為副。統領官軍。普定等處勦捕。凡攻破蠻寨數十。諸夷懾服。未幾。置貴州都指揮使司。以聚署都司事。○始令各衙門用半印勘。

合行移，先是各布政司，因舊弊，用空印紙於各部，查得錢糧軍需，有差錯，改正却將空印紙填寫咨呈，補卷事發。

上大怒曰：「如此弊瞞我！」遂大行考較，議用半印勘合，出納關防。

按勘合之制，今在京五府六部都察院衙門，各置部籍二扇，合空紙之半，照各地方編寫字號，用印完畢，外號底簿發諸處，都布按司直隸州府衛所收掌，內號底簿并勘合紙，本衙門收貯。凡行移在外事務，發勘合科填寫號紙下，各地方比照硃墨字號相同，將開去事件，奉行完報，如號紙盡絕，照字號編接，如前。各該司府州衛候年終，將發去勘合底簿折估具本奏繳，仍具清冊一本，送原發衙門，以憑稽查比較，遂為定制。

是月丙戌，皇后馬氏崩。

后性恭儉，既貴，服澣濯之衣，食調雖敝，不悉易。嘗製衣裳，餘帛緝為巾褥，織工治絲，有荒類遺弃者，亦憚無面。

太后聖者
解頤不盡
而獨以言
臣曰保為
難不啻殺
人君勸此
其誠最尤
有大過人
者

絳之以賜諸主。妃公主謂曰：生長富貴，當知憂。未之。不
易。富為天地惜物也。后初未存，子常育。上兄子夫
正，子李文忠及沐英等數人愛如已出。及太子諸王
生，恩無替焉。按妃嫡以下有恩，被寵顧有子者，待之加
厚。太子諸王雖愛之，其駕勉令務學，詳切懇至。諸王有
以衣服器皿相尚者，必切責之。上以威武治天下，
后嘗清之以寬仁。上前殿決事，或震怒回宮，必詢今
日處何事，怒何人，因泣諫曰：「上位已有衆子，正好積
德，不可暴怒，致殺死，首寃枉活人性命。」乃子孫之福。國
祚亦長久。上從之。決事多從寬。又正鎮江西，荒淫無
度，上誅其左右，取文正回京，欲罪之。后諫曰：「文正
雖驕縱，自渡江以來，克大平，破陳也先，取建康，多有戰
功。及堅守江西，陳氏強兵不能克，皆其智勇也。況骨肉
親任，縱有罪，亦當宥之。」上曰：「后言是也。」後文正復出
忠言。上欲廢之。后又極諫而止。吳興民沈萬三家
富敵國。上嘗因事欲殺之。后諫曰：「彼固富，可敵國。
然未嘗為不法事。奈何疑而殺之？」教之甚切，遂得不死。
止流之於雲南而已。上幸太學還，后聞大學諸生
有携挈妻孥者，無所仰給，勸上賜以月糧，給其家，遂
為永制。至是，后病劇，不肯服藥。上強之，終不肯，曰：

先生有命。雖偏鵲何益。使吾服藥而不瘳。陛下寧不
必愛妾之故而殺此諸醫乎。妾不忍其無罪而就死地
也。上曰。第服之。終萬一無効。吾當為汝貸之耳。后
終不服藥而崩。年五十一。上慟悼。終身不復立后。

九月。葬馬皇后于鍾山孝陵。謚曰孝慈皇后。

臣按自三代而下。創業興王之后。未有如我高皇后
之賢聖者。故備著之。永樂元年六月。加謚曰孝慈昭憲
至仁文德順天順聖高皇后。

雲南諸夷復叛。沐英等平之。先是。大軍既平雲南。即分兵
四出。攻諸蠻部未服者。雲南城守者少。諸夷因相扇為叛。
謀有土官楊苴者。尤桀黠。給其下曰。總兵官已領大軍回
矣。雲南城可圖也。糾集蠻衆二十萬來攻。進逼城下。守將
都督謝熊都指揮馮成督士卒嬰城固守。多置强弓弩於

城上賊至輒射之往往應弦而斃賊不能攻遂為困據就
時沐英駐兵烏撒聞之即選驍騎一萬還援至曲靖先遣
一健卒潛入報城中為賊所得詰之曰總兵官領三十萬
軍至矣賊眾駭愕轉相告報拔營宵遁走安寧晉寧江川
等處復據險樹寨欲謀再舉英調兵悉勦殲之斬首六萬
餘級生擒四千餘人諸部悉定雲南復平○詔還高僧分
侍諸王命僧道衍往燕府住持慶壽禪寺

道衍即姚廣孝姑蘇人幼出家好讀書工詩文遇異人
傳術能預知人休咎及善術數之學太祖擇名僧輔
諸王文皇帝時為燕王廣孝自請干文皇帝曰殿下
若能用臣臣當奉一白帽子與大王戴也既而文皇帝自
求廣孝于太祖許之洪武末靖難兵起皆廣孝之謀
也永樂初由僧錄司左善世徑擢太子少師輔導東宮

復其姓名。竟不蓄髮。娶妻。卒。

封榮國公。監恭靖配享太廟。

文皇帝宴時天寒。

長。文皇帝出一對曰。天寒地凍。水無一點不成冰。

廣

考憲。薛曰。國亂民愁。玉帛出頭。誰是上。文皇大喜。及

靖難。師將起。令擇日。必須某月某日某時。方可舉事。至

期。疾風暴雨。文皇謂廣孝曰。出師大風雨。此兵家之

忌也。廣孝對曰。聖殿下是簡龍。正要風雨大。方助得

勢頭起。臣豈不先知。今日有

風雨哉。急行毋緩。其後果驗。

鑄監察御史印文曰。繩愆糾繆。○吏部以經明行修之士

鄭韜等三千七百餘人入見。上諭之曰。朕自即位以來

側席賢士。與圖至治。然自古知人。堯舜所難。豈所知者皆

賢。所未知者無賢哉。故勅天下徵聘遺逸。卿等固皆賢人

君子。山林之下。又豈無如卿者。其悉舉以爲朕用。靜是

寧單縣儒士張寧以黃倫職處復遣使徵之仍賜稍等飲
人一錠

十月北平都司言邊衛之設所以限隔內外宜謹烽火遠
斥埃控守要害然後可以警服胡虜撫輯邊氓按所轄關
隘曰一片石曰黃土嶺曰董家口曰箭條嶺諸如此類凡
二百處宜以各衛校卒戍守其地詔從之○徵耆儒崇德
鮑恂上海全思誠安吉余詮高郵張長年入見恂等年皆
七十餘上喜賜坐顧問者久之並命爲文華殿大學士
輔導皇太子及皇太孫恂等固辭上曰朕以卿等年
高故授此職以輔導太子耳免卿早朝日晏而入不久當

皇朝通志卷一百一十五
文華殿大學士
鮑恂等年皆七十餘
上喜賜坐顧問者久之
並命爲文華殿大學士
輔導皇太子及皇太孫
恂等固辭上曰朕以卿
等年高故授此職以輔
導太子耳免卿早朝日
晏而入不久當

從其志庶不負卿等平生所學而鄉里亦有光矣卿何辭

焉○高○南○極○矣○卿等復固辭一日勅賜放還

殿閣詞林記廖道南曰卿自南山如步之其鴻家落上下千載數人而已思誠勅賜卿詮被寵履眉皓首安卓落輪蹄竹帛所書國

書所傳何以加焉

置諫院官以耆儒劉靜開賢為左右司諫兼春坊左右庶

子趙肅何顯周為左右正言兼左右諭德○置殿閣學士

以禮部尚書劉仲質為華蓋殿大學士翰林院學士兼

文淵閣大學士檢討吳伯宗為武英殿大學士典纂修

為東閣大學士○命禮部頒劉向說苑新序于天下學

校○朝罷召侍從備懷舊論告道 上嘉東閣大學士

王

王

沉德業文學之美命書工繪其像賜之以示褒寵。○刑部尚書開濟奏曰。欽惟聖明治在復古。凡事務從簡要。今內外諸司議刑奏劄動輒千萬言。泛濫無紀。失其本情。況一日萬幾。似此繁瑣。何以能究。此皆胥吏不諳大體。苟非禁革。習以成弊。上曰。虛詞失實。浮文亂真。朕甚厭之。自今有以繁文出入人罪者。罪之。於是命刑科會諸司官吏議成式。榜示中外。

十二月。吳沉薦方孝孺學行。上召入見。喜其舉動端雅。曰。此莊士。當老其才用之。遣還鄉。尋以仇家得罪。詞連孝孺。籍其家。械送闕下。上見其名。特開釋。○孝陵成。封都督。

李新爲崇山侯。○設都察院以詹徽林駟爲監察都御史。
○命長興侯耿炳文、延安侯唐勝宗巡視陝西城池督軍。
屯田訓練士卒陝西二十二衛兵軍凡一十六萬六千餘人。
得驍勇騎士二萬餘人習馬二萬三千五百匹。
國初黨邊作以屯田訓練二者爲急此兵食所以足夷狄所以畏。邊境所以安萬世所當遵守者也。

皇明從信錄卷七

終